



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ Ո Ր Ո Շ ՈՒ Մ

31 հուլիսի 2025 թվականի N 1056-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2020 ԹՎԱԿԱՆԻ
ԴԵԿՏԵՄԲԵՐԻ 3-Ի N 1994-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ
ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ հոդվածի 1-ին մասի 1-ին կետի և 34-րդ հոդվածի 1-ին մասի պահանջներով՝ Հայաստանի Հանրապետության կառավարությունը **ո Ր Ո Շ ՈՒ Մ Է.**

1. Հայաստանի Հանրապետության կառավարության 2020 թվականի դեկտեմբերի 3-ի «Հայաստանի Հանրապետությունում ընդհանուր օգտագործման ավտոմոբիլային տրանսպորտով ուղևորների կանոնավոր փոխադրումներ իրականացնող կազմակերպություններ և անհատ ձեռնարկատերեր ընտրելու մրցույթ անցկացնելու կարգը հաստատելու, Հայաստանի Հանրապետության կառավարության 2001 թվականի օգոստոսի 16-ի N 762 և 2007 թվականի հունիսի 21-ի N 819-Ն որոշումներն ուժը կորցրած ճանաչելու մասին» N 1994-Ն որոշման (այսուհետ՝ որոշում) 3-րդ կետում «2025 թվականի հունիսի 1-ը» բառերը փոխարինել «2027 թվականի դեկտեմբերի 31-ը» բառերով:

2. Որոշման 1-ին կետով հաստատված կարգի՝

1) 9-րդ կետի 4-րդ ենթակետում «մասնակցող կազմակերպությունների ավտոբուսների կամ միկրոավտոբուսների (այսուհետ՝ ավտոբուսներ) գնահատում» բառերը փոխարինել «մասնակցող կազմակերպությունների և մրցույթին ներկայացված ավտոբուսների կամ միկրոավտոբուսների (այսուհետ՝ ավտոբուսներ) գնահատում, հայտը ստանալու օրվանից մեկ աշխատանքային օրվա ընթացքում դիմում է տրանսպորտի ոլորտում վերահսկողություն իրականացնող պետական լիազոր մարմին և հարկային ոլորտում պետական լիազոր մարմին՝ սույն կարգի 41-րդ կետի 3-րդ ենթակետով պահանջվող տեղեկատվությունը ստանալու համար: Տրանսպորտի ոլորտում վերահսկողություն իրականացնող պետական լիազոր մարմինը կազմակերպության կանոնավոր ուղևորափոխադրումների խախտումների վերաբերյալ, իսկ հարկային ոլորտում պետական լիազոր մարմինը հայտը ստանալու օրվա դրությամբ հարկային մարմնի կողմից վերահսկվող եկամուտների գծով ժամկետանց պարտավորությունների վերաբերյալ տեղեկությունները ներկայացնում են 2 աշխատանքային օրվա ընթացքում» բառերով:

2) 12-րդ կետում «azdarar.am» կայքէջում, լիազոր մարմնի և հանձնաժողովը կազմավորող մարմնի պաշտոնական կայքէջերում, առնվազն երեք հազար տպաքանակ ունեցող մամուլի և զանգվածային լրատվության այլ միջոցներով» բառերը փոխարինել «լիազոր մարմնի և հանձնաժողովը կազմավորող մարմնի պաշտոնական կայքէջերում, Հայաստանի Հանրապետության հրապարակային ծանուցումների <http://www.azdarar.am> պաշտոնական ինտերնետային կայքում և զանգվածային լրատվության այլ միջոցով» բառերով:

3) 40-րդ կետը շարադրել հետևյալ խմբագրությամբ՝

«40. Մրցութային թերթիկում՝ համաձայն N 5.2 ձևի, գրանցվում են՝

1) 2-րդ սյունակում՝ կազմակերպության անվանումը կամ անհատ ձեռնարկատիրոջ անունը, ազգանունը:

2) 3-4-րդ սյունակներում՝ ավտոբուսի (ավտոբուսների) ընդհանուր գնահատականը և սակագնի գնահատականը:

3) 5-7-րդ սյունակներում կանոնավոր ուղևորափոխադրումների ոլորտում կազմակերպության փորձի և խախտումների գնահատման տվյալները:

4) 8-9-րդ սյունակներում՝ ընդհանուր և միջին գնահատականները:».

4) 41-րդ կետը շարադրել հետևյալ խմբագրությամբ՝

«41. Մրցույթի մասնակից կազմակերպությունների և մրցույթին ներկայացված ավտորուսների գնահատումն իրականացվում է հետևյալ չափորոշիչների համաձայն՝

Գնահատման չափորոշիչները	Գնահատականը
1. ԱՎՏՈՐՈՒՄ	
1) Պատկանելիության իրավունք՝	
սեփականություն, լիզինգ	10
վարձակալություն	5
2) Արտադրության տարեթիվ՝	
մինչև 1 տարին ներառյալ	10
1-2 տարին ներառյալ	8
2-3 տարին ներառյալ	6
3-4 տարին ներառյալ	4
4-5 տարին ներառյալ	2
5-ից ավելի	1
3) Արտաքին տեսք (թափքի կոռոզիա, ներկվածքի վնասվածք, հողմնապակու ճաքեր)՝	
գերազանց	3
լավ (նշվածներից որևէ մեկի առկայության դեպքում)	2
բավարար (նշվածներից երկուսի առկայության դեպքում)	1
անբավարար (նշվածներից երեքի առկայության դեպքում)	0
4) Ուղևորասրահ (նստարանների և կողային պասսաժոների վնասվածք, հատակի ծածկույթի վնասվածք, ավել նստարանի և արտադրող գործարանի կողմից չնախատեսված այլ կառուցվածքային փոփոխություններ)՝	
գերազանց	3
լավ (նշվածներից որևէ մեկի առկայության դեպքում)	2
բավարար (նշվածներից երկուսի առկայության դեպքում)	1
անբավարար (նշվածներից առնվազն երեքի առկայության դեպքում)	0

5) Օդափոխանակման համակարգ՝	
օդորակիչ	2
օդափոխիչ դռնակ, ուղևորասրահում շարժական ապակիներ	1
6) Վառելիքի տեսակ՝	
էլեկտրական, հիբրիդային, ջրածնային	6
գազաբալոնային համակարգ	3
դիզել, բենզին	1
2. ՍԱԿԱԳԻՆ	
Հայրով ներկայացված գին	միավոր
Նվազագույն գին	6
Նվազագույն գին + 1-20%	5
Նվազագույն գին + 21-40%	4
Նվազագույն գին + 41-60%	3
Նվազագույն գին + 61-80%	2
Նվազագույն գին + 81-100%	1
Նվազագույն գին + 101 և ավելի	0
Մեկ մասնակցի դեպքում ներկայացված սակագինը գնահատվում է առավելագույնը 6 միավոր:	
3. ԿԱԶՄԱԿԵՐՊՈՒԹՅԱՆ ԽԱԽՏՈՒՄՆԵՐ	
1) կանոնավոր ուղևորափոխադրումների պահանջների խախտումներ (հաշվի են առնվում մրցույթի օրվանից հաշված վերջին մեկ տարվա խախտումները)*	
խախտումների բացակայություն	5
մինչև երեք խախտում	3
չորս և ավելի խախտումներ	0
*մինչև հայտը ներկայացնելու օրը վերջին մեկ տարվա ընթացքում կամ երբևէ կանոնավոր ուղևորափոխադրման գործունեություն չիրականացրած հայտատուի դեպքում	2

2) հարկային մարմնի կողմից վերահսկվող եկամուրների գծով ժամկետանց պարտավորություններ (հաշվի են առնվում փաթեթի ներկայացման օրվա դրությամբ առկա պարտավորությունները)	
ժամկետանց պարտավորությունների բացակայություն	5
ժամկետանց պարտավորությունների առկայություն	0
4. ԿԱՆՈՆԱՎՈՐ ՈՒՂԵՎՈՐԱՓՈԽԱԴՐՈՒՄՆԵՐԻ ՈԼՈՐՏՈՒՄ ՓՈՐՁ	
0-1 տարի	1
2-5 տարի	3
6-9 տարի	5
10 և ավելի տարի	8

».

5) 45-րդ կետում «Ավտոբուսների և սակագնի գնահատման արդյունքներով 50» բառերը փոխարինել «Մասնակից կազմակերպությունների և մրցույթին ներկայացված ավտոբուսների գնահատման արդյունքում 40» բառերով.

6) 49-րդ կետում «50» թիվը փոխարինել «40» թվով.

7) 69-րդ կետը շարադրել հետևյալ խմբագրությամբ՝

«69. Մրցույթը չկայանալու, երթուղին սպասարկող կազմակերպությանը երթուղին սպասարկելու իրավունքից զրկելու, երթուղին սպասարկելու իրավունքից հրաժարվելու կամ մրցույթի արդյունքում հաղթող չլինելու դեպքերում, մինչև նոր մրցույթի անցկացնելն ու դրա արդյունքներն ամփոփելը, երթուղու սպասարկումը կարող է (են) իրականացնել հանձնաժողովը կազմավորող մարմնի կամ դրա ղեկավարի կողմից լիազորված այն կազմակերպությունը (կազմակերպությունները), որը (որոնք) երթուղու սպասարկման գործում կարող է (են) ներգրավել սույն կարգի պահանջներին համապատասխանող անհրաժեշտ քանակով ավտոբուսներ: Երթուղին ժամանակավոր սպասարկելու իրավունք ձեռք բերելու ցանկություն հայտնած կազմակերպություններից նախապատվությունը տրվում է սույն կարգի 41-րդ կետի չափորոշիչներով նախատեսված ավտոբուսների գնահատման արդյունքով մրցու-

թային հանձնաժողովի կողմից առավելագույն միավոր ստացած կազմակերպությանը: Երթուղին ժամանակավոր սպասարկելու իրավունքը տրամադրվում է հետևյալ ընթացակարգով՝

1) երթուղին սպասարկելու իրավունքը ժամանակավոր հատկացնելու մասին հայտարարությունը հանձնաժողովը հրապարակում է հանձնաժողովը կազմավորող մարմնի պաշտոնական կայքէջերում.

2) երթուղին սպասարկելու իրավունքը ժամանակավոր ստանալու համար դիմումները՝ սույն կարգով սահմանված փաստաթղթերի փաթեթի հետ միասին ներկայացվում են երթուղին սպասարկելու իրավունքը ժամանակավոր հատկացնելու մասին հայտարարությունը հրապարակվելուց հետո 7 աշխատանքային օրվա ընթացքում.

3) դիմումները ստանալու վերջնաժամկետին հաջորդող աշխատանքային օրը փաթեթները բացվում են: Փաթեթները բացելու օրը դրանցում թերություններ հայտնաբերելու դեպքում՝ սույն օրը հանձնաժողովը կազմակերպությանն առաջարկում է 1 աշխատանքային օրվա ընթացքում վերացնել դրանք: Կազմակերպության կողմից սույն կետով սահմանված ժամկետում թերությունները չվերացնելու դեպքում հանձնաժողովը կազմակերպության ավտորուսների գնահատում չի իրականացնում.

4) երթուղին սպասարկելու իրավունքը ժամանակավոր հատկացնելու համար իրականացվում է միայն ավտորուսների գնահատում սույն կարգի 41-րդ կետի 1-ին ենթակետի պահանջներին համապատասխան: Ավտորուսների գնահատումն իրականացվում է փաթեթները բացելու օրվան հաջորդող 2-րդ աշխատանքային օրը.

5) հանձնաժողովը ավտորուսների գնահատման օրվան հաջորդող մեկ աշխատանքային օրվա ընթացքում ամփոփում և հանձնաժողովը կազմավորող մարմնի կամ դրա ղեկավարի հաստատմանն է ներկայացնում երթուղին սպասարկելու իրավունքը ժամանակավոր հատկացնելու մասին արձանագրությունը, որը հաստատվում է մեկ աշխատանքային օրվա ընթացքում:».

8) N 5.2 ձևը շարադրել հետևյալ խմբագրությամբ՝

«Ձև N 5.2

Մ Ր Ց ՈՒ Թ Ա Յ Ի Ն Թ Ե Ր Թ Ի Կ
ՄՐՑՈՒՅԹԻ ՄԱՍՆԱԿԻՑՆԵՐԻ ԳՆԱՀԱՏՄԱՆ

Մրցութային հանձնաժողովի	_____	_____	_____ 20 թ.
	(պաշտոնը)	(անունը, ազգանունը)	(մրցույթի անցկացման օրը)

NN ը/կ	Կազմակերպության անվանումը կամ անհատ ձեռնարկատիրոջ անունը, ազգանունը	Ավտոբուսի (ավտոբուսների) ընդհանուր գնահատականը*	Սակագնի գնահա- տականը	Կանոնավոր ուղևորափո- խադրումների ոլորտում փորձը	Խախտումների առկայությունը		Ընդհանուր գնահատականը	Միջին գնահատականը**
					ուղևորափո- խադրումների պահանջների խախտումներ	հարկային մարմնի կողմից վերահսկվող եկամուտների գծով ժամկետանց պարտավո- րություններ		
1	2	3	4	5	6	7	8	9

 (ստորագրությունը)

 (անունը, ազգանունը)

*ամփոփվում է հանձնաժողովի բոլոր անդամների գնահատականների միջինով

**մեկից ավելի երթուղիների դեպքում՝ ամփոփվում է բոլոր գնահատականների միջինով»:

3. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Մ. ԳՐԻԳՈՐՅԱՆ

Երևան